

سولاق کارلار باره ده عجیب غریب اعتقادلار

روانشناسلاری اعتقادینا گؤره، سولاق کارلار بدنلرین هر ایکی طرفیندن استفاده ائله ماغا داها باشاریقلیدیلار.

روانشناسلاری اعتقادینا گؤره، سولاق کارلار بدنلرین هر ایکی طرفیندن استفاده ائله ماغا داها باشاریقلیدیلار.

دنیانین بوتون آدمالاری جور به جور فرقلر اینن متولد اولورلار. اما لایب جالب فرق دنیانین یوزده 10-ون سولاق کار اولماقلاریدیر.

سولاق کارلیغین سببی نه دیر؟

قدیملر سولاق کارلیق باره ده غلط ایناملار واریدی و خانواده لر اوشاقلارین سولاق کار اولماقلاری اینن مخالف اولاردیلار و جور به جور یوللارینان اوللاری سول ال اینن یازماغا مانع اولاردیلار. بو ایناملار شیطانین سول ال اینن ارتباطی و قیامت گونو پیس عمل لرین نامه سیندی سول اله وئرماعینا باغلی اعتقادلاردیلار.

بو ایشلر یاواش یاواش آزالدی نیبه کی خانواده لر بو ایشین باشی آشاعلیق گتیره جاغی یوخ بلکه اوشاعین هوشلو اولدوغونا دایر علامت اولماسینی آنلادیلار. سولاق کارلار اؤز سنچیملری اولمادان فرقلی دنیا دا یاشاییرلار، اولنار اوللاری سولاق کار ائله بن زن اینن دنیا یا گلیبلر. تحقیق ره گؤره، زنلر و طبیعتین بوروشوق تعاملو نتیجه سینده بیر انسان سولاق کار اولور. اما ایندی به کیمی ده «سولاق کارلیق» زنی آدیندا بیر زنده تاپیلمایب.

روانشناسلارین دئیغینا گؤره، سولاق کارلار بدنلرین هر ایکی طرفیندن استفاده ائله ماغا داها باشاریقلیدیلار. آیری سؤزله اولنارین بیینلرین هر ایکی طرفی بیر بیرلرین داها راحت ارتباط قورا بیلیر. آمریکانین روانشناسلیق مجله سینده یاپیلان تحقیقه گؤره، سولاق کارلارین او بیر انسانلارا گؤره داها آرتیق خلاق اولدوقلاری اورتایا چیخیب.

هابئله سولاق کارلار مسأله حلینده داها یاخجی و داها آرتیق یول ارا نه وئره بیلیرلر. والدینن ایکسی ده سولاق کار اولسا اوشاقلارین یوزده 50-سی سولاق کار اولما بیلر اما والدینن هئج بیر سولاق کار اولماسا اوشاقلارین یوزده 2-سی نین سولاق کار اولما احتمالی وار.

دنیانین مشهور سولاق کارلاری:

قدیملر سولاق کارلیغی عیب بیلسه ایدلر ده یاواش یاواش بو اعتقاد دئیشدی. دنیا دا سولاق کارلارین چوخ شهرته چاتدیلار کی آشاعیدا اولنارین بیر نچه سیندی آد آپاریوق:

لئوناردو داوینچی، ناپلئون، ماهاتما گاندی، IBM شرکتین مدیری، جولیا رابرتز، جان اف کندی، جیم کری، دده جورج بوش، باراک اوباما، بوروس ویلیس، آنجلینا جولی، بیل گیتس، انیشیتین، چارلی چاپلین، ارسطو، افلاطون، بتھون، فریدریش نیچه، ماری کوری، استیو مک کوئین، نیکول کیدمن، اسحاق نیوتن، پیکاسو، ویلیام شکسپیر، آمیتاب باچان، دیگو مارادونا، تنیس اعجوبه سی مک انرو، و حتی اولکه میزین رئیس جمهوری حسن روحانی.

لینک مطلب در سایت : <http://torki.tebyan-tabriz.ir/?MID=21&Type=News&id=1470>